

太虛大師寰遊記

戴信賢題



中華民國十九年三月印刷

太虛大師實遊記

△全册實價壹元

(外埠酌加郵費隨致)

著者

太虛大師

編錄者

釋滿智

出版者

大東書局

印刷者

大東書局

發行所

大東書局

不 准 翻 印

分 發 行 所

漢口 長沙 南京
廣州 北平 天津
梧州 徐州 成都
遼寧 汕頭 哈爾濱


大 東 書 局

新 華 書 局
PDG

太虛大師肖像



太虛大師與各國友好合攝之影



太虛法師小傳

佛教新運動領袖太虛法師。年四十一。浙江崇德人。俗呂姓。弱冠卽皈依佛門。年十八。問教於八指頭陀及道階法師。習天台賢首宗之教觀。次年。閱大藏經。苦心靜研。頓從般若經豁然大悟。諸法之實相。年二十。卽創僧教育會於天潼寺。爲其事業之發端。次年。從楊仁山居士圓瑛諦閑二法師遊。旋任教於普陀化雨學校。年念二。被舉爲廣州白雲山雙溪寺住持。遂辦佛學精舍於獅子林。同時著作佛教史論多種。次年。以革命嫌疑返滬。旋民國政府成立於南京。乃創中國佛教協進會於毗盧寺。南北統一。卽合併於中華佛教總會。又推爲佛教月報總編輯。真如福音由是播。世道人心由是正。民三。訪依了餘和尚與印光法師遊。潛修於普陀錫麟禪院。習禪定淨業。研究法相唯識律藏密宗諸經。造詣極深。並涉覽諸子百家古籍。及近代西洋哲學宗教新書。歷民四而至民五。在其靜修中有論神教論天演進化論周易論墨學論荀子及哲學正觀。教育新見。佛乘導言。大佛頂首楞嚴經攝論。整理僧伽制度論等著作。而完成其

思想之正統。民六。普陀出關後。漫遊日本。臺灣。暹羅。緬甸。錫蘭。柔佛等處。於是確立其以佛法改善社會。進化人羣之志。次年。與陳原白。王一亭等。設覺社於上海。辦叢書季刊。以導揚文化。糾正人心。其影響所及。各省。遂有紛紛之居士學佛團體出現。民八。被請講維摩經起信論於北京。聽講者多爲一時名流學者。可謂收歷來法會未有之功。民九。任杭州兜率寺住持。辦海潮音月刊。又往武漢廣州講學。設立佛教會於漢口。次年住持西湖淨慈寺。又被邀講學於杭州北京等處。而宣傳佛學救世主義。推行更廣。民十一。講學漢陽歸元寺。而創辦佛學院於武昌。青年縉素來自四方者。濟濟一堂。研習學理。精持戒律。爲一時之冠。近年來種種佛教新運動。莫不以該院之學者爲其主幹。旋又被推爲湖南大瀉山之住持。以一人而同時長持多種團體。勞心勞力。於此可見。次年。又創立廬山大林寺。重興古代道場。復籌開世界佛教聯合會於該寺。以期今世佛教有闕大之組織。民十三。暑時。往開第一次大會。被舉爲會長。旋又講學於泰縣光孝寺。江北之僧伽居士。慕名往聽道者。踵相接。民十四。又講學於北京。寧波。上海。居士林等處。是年夏。會代表中國佛徒出席日本之東亞佛教大會。次年。又被邀講學於南洋新

嘉坡。與廈門南普陀。并設佛化教育社。及佛教通信社於滬東雪竇寺。民十六春。乃創辦上海法苑。旋又被推爲閩南佛學院院長。本年秋季。被請爲亞細亞大學委員。及德國中華文化學院董事。因念國府新建都於金陵。訓政伊始。各種政治漸趨正軌。遂於去秋發起全國佛教代表會議。設立中國佛學會籌備處於毗盧寺。以期中國佛徒有嚴密自治的機關。十七年八月十一日起程赴歐美宏法。爲我國佛法傳到西方之第一人。余特集各界同志共餞歡送於海上之滄洲別墅。編印特刊攝影以壯其行色。歷經法比荷德英美各國。到處備受友邦學者歡迎。報紙雜誌皆紛載其言行。喚醒世人迷夢甚衆。歐美人士對東方文化信仰深切。各大學各學會見師光臨。咸紛請演講。應接不暇。東奔西走。而師不以爲疲。勇猛精進。誠爲常人所難及。勤習武當太極拳之效。在法時曾與各邦哲士發起世界佛學院於巴黎大學。設籌備處。并有信士慨捐鉅款美地。以促其早成。可見碧眼兒爲善之心。亦不亞於國人之熱情也。於十八年（一九二九年）名女子年今秋。還有坤村主義發明家劉仁航博士。將赴歐美從事世界女性和平運動以繼法師之偉舉。勞勩節歸故里。四日應上海各界同仁歡迎大會於報本堂下院。

報告出遊八月宣道經過及歐美人士對於東方文化之態度。藉資同胞觀感。余佩偉其志力。謹爲述其生平之事略。以告仰慕上人之妙法者。

黃警頑識於中華新聞學會

太虛大師寰游記 目錄

第一章 緣起

第二章 游記

第一節 從上海抵巴黎

第二節 從法國至英國

第三節 從英京至比京

第四節 德國

第五節 由柏林至紐約

第六節 芝加哥至三藩市

第七節 由美國回上海

第三章 佛學

第一節 關於佛學之演說

第二節 關於世界佛學院文件

第三節 關於佛學之撫遺

第四章 雜觀

第一節 社會觀

第二節 宗教觀

第三節 國俗觀

第五章 詩錄

第六章 投贈集

第一節 函電

第二節 詩

太虛大師寰游記

第一章 緣起

余樂游覽。然所至僅觀概略。未遑詳究深奧。中國境內曾寓居或經歷者十三省。西陲滇黔川陝甘五省。與新疆東三省及諸特區。均猶未一涉。藩然於日本臺灣及星洲等。則嘗周履其境。紀之以詩文。余之歷遊中外。大抵因說法講學機會。藉以一擴眼界。茲者之寰涉亞非歐美。其緣起亦在宣揚佛化。但以之探自然之偉觀。察人事之蕃變。固亦衷心之所喜焉。

民國十四年春暮。講經宛平。胡君子笏湯君鑄新等。謂佛法非宣傳歐美。則不能宏於今俗。非探究藏梵。則不能窮其古真。時已由苾芻大勇等爲入藏預備。議余作赴歐美之籌畫。遂決是年秋季起。余擇武昌之佛學院高材生顯教滿智等數人。靜居牯嶺之大林寺。邀熊東明習修英語。其經費則由湯君任之。逮入秋如約開剏。未幾因故停輟。是年冬余與胡君等出席日本

之東亞佛教大會。德人有在錫蘭作苾芻者。曰尼牙那嘎爾哇。亦來赴會。德國駐日大使索爾夫。東京帝國大學德教授毗諸莫莎。皆習聞佛法。銳意鑽研。分別邀予過其處。余旋與胡君等偕往。於德使館更遇卜爾熙君等。卜君即今任德國駐華公使也。索君謂柏林茲有達爾梗博士等。擬立佛學院。各城亦多佛學研究者。然尙鮮知華文大乘佛典之重要。謂予若能往德演講大乘者。彼當函告德國駐華公使及柏林友人招待。余諾於一二年中游德而別。逮次年。索君郵送三函至。一介予謁駐華德使。其二則介予謁柏林大學萊辛教授及外部密勿遜君者。夏間講學宛平。訪駐華德使。以他去未相值。與胡君等設世界佛教聯合會中國辦事處於萬壽寺。并爲世界佛學院之籌設。時星洲組講經會。請予說法。應之。擬募資作世界佛學院圖書館及歐美宏法之用。秋間在星洲月餘。旋因病回滬。捐款事雖畧有提及。但猶無著落。次年夏廈門大學教授陳君廷謨。願偕游歐美。而高陽楊氏父子兄弟。以胡君之勸導。慨贈五千元。囑先出席美洲加拿大之世界教育會議。然後再游美歷歐而返。六月瀕行矣。陳君以家人之病促歸。兼感旅資未充。行途中止。秋間蔣君介石電約余至雪竇談佛學。間說本年未能赴美之

上海滄洲旅館之送行（一）



經過。別後君過滬資助以三千元。次年春。德國佛郎府中國學院院長衛禮賢博士。推余爲董事。盼往講學。而五月間又收得南普陀寺協助二千元。從王君蕪蒸之功。德金中劃出者。余遂積極爲出遊歐美籌備。鄭君松堂曾究佛學於德國。專研數理。時任同濟大學教授。諳德英語。由予供給其川資及旅居費。相約同往。趙君壽人亦潛究數理及佛學。有年。與鄭君談甚相契。乃自資願同伴出遊。事前王君儒堂爲函致中國駐法英意德美公使。蔡君子民。張君君勵及英人佛學者羅君等。贈余介紹函多件。程君演生預囑巴黎之東方文化學會爲招待。上海特派交涉員金

(二) 行送之館旅洲滄海上

太虛大師寰游記



第一節 從上海抵巴黎

君純儒。爲致電中國駐法使館。余遂於中華民國十七年八月十一晨。與趙鄭二君。附法國郵船安特雷朋離滬。先一日王君一亭程君演生張君君勵李君國杰黃君警頑等。餞別余三人於滄洲別墅。與會士女六七十。席間演說者。程君演生張君君勵王君一亭孫君厚在沈君嗣莊程琪英女士等。余及趙君亦有答辭。宴畢攝影。會印有特刊。今附於此。茲者握筆回思。滋愧有負於贊助諸君之屬望焉。


第二章 游記

四

十一晨上船。送者孫君厚在。趙君充和。黃君警。頑黃君懺。華謝君鑄。陳苾蕪。大醒苾蕪。墨禪寧君達。蘊等數十人。立雨中有俟。至十時解纜始歸者。王君一亭則餽以畫冊畫箋。同日鄭君之學生鄧名方女士。亦乘船赴德留學。報載隨余往歐。則傳聞之誤也。同船華人二三四等均有。除香港西貢星洲登岸者。尚五十餘。大抵皆赴歐洲各國留學者。余與趙鄭二君及路君式導同室。路君東吳法科學士。今留學比利時魯文大學。他若杭州章君正範及阮君胡君張君等八人。上海工專朱君等二十餘人。何君銳濱。孫世傑。張君作人等。亦時就余談敘。余又不病風浪。故雖處舟中月餘。亦未覺苦。十四晨抵香港。偕趙鄭二君等登岸。訪潘君達微。潘君留飯。并由潘女士導游環島。購置什物。卽晚開船。越三日。至西貢。以是法國屬地。停舟三日。有招君喬梓者。以程演生之介紹。導余等游堤岸。寓於大觀園一夕。次日參觀華人之報館商會及公園等。晚回船。有中法學校教務長并華人所辦南圻日報總編輯陳君肇琪來訪。謂該報將爲余出一附刊。囑題佛光二字。陳君粵人。然國語閑熟。文筆清暢。曾研究佛學。尤熱心予之此行。翌日陳君又偕其校董李君仲卓。邀至李家午餐。李君曾旅法多年。善法國語。尤樂吟詠。座間贈

詩二絕。余與趙君陳君同和之。飯後參觀中法學校。晤校長法人羅珀。Robert 歐戰時曾任法軍一隊之司令者。抵安南研究佛學有年。贈佛學講集。爲介紹巴黎一友人。且言當告之安南總督。對予宏法之事。有所贊助。後安南總督至巴黎。於世界佛學院署名贊成人。或不無

美籍於錫蘭作比丘之希爾後



關係也。旋李君等送余返船。是夕舟即開行。時趙壽人在舟中發見英人翰密登。美人希爾後。精研佛學。將在星洲登岸。赴暹羅剃度。次夕由鄭君翻譯。余與深談。據云前歲有一德人在美國金門市傳佛教。信從者頗多。當組成一佛教會。彼二人亦爲會員。遂從研究五蘊十二緣起三十七覺分之法義。深生信仰。旋德人他去。會衆被壓迫於天主教徒。會即解散。僅餘三四人。堅信不渝。

彼二人乃欲赴暹羅等純佛敎國。專意修證。期現身獲四沙門果。再回美洲敎化。并寫示其對於佛學見解之概略及曾讀之佛書各一紙。（錄於後佛學章）余告以大乘佛學。彼亦領受。謂他日當至中國參訪云。舟行三日抵星洲。余本擬訪星洲故舊。及一游檳城仰光等處。會先致函電。故抵埠時星洲之中華及印度兩佛敎會代表胡治安黃錫權陳敬庭陳禹言等與普陀寺龍山寺轉道瑞等諸師已鵠候矣。惜所乘法郵。不經英領檳城等處。卽所經之星洲哥倫布亦祇停十小時。余遂與趙鄭諸君及希爾筏韓密登等。上岸與歡迎諸君攝影。旋赴楊雲溪家午餐。午前鄭君等出游。余則與緇素諸友談話。午後赴中華佛敎會演說攝影。復至龍山寺。遂別英美人韓希二君。由星埠諸友送返舟。旋即開船。此行海程頗長。約五日而抵哥倫布。訪楊雪菴。云已他去。擬訪尼牙那嘎爾哇。以路遠不及。摩訶菩提會會長達磨波羅。未知其住處。亦不暇訪。遂參觀臥佛寺及佛敎大學。以飛車馳覽一周。綠蔭黏天。碧波環地。至足令人憧憬。聞有人指錫蘭曰東方瑞士。請英政府允其爲永久中立地。以佛法自守。與世無爭。英雖未能有茲義舉。竊意他日必能實現清淨佛土於此焉。由此開船經印度洋至亞丁停泊。爲程九日。